



Broj: 10/E-11-2385/26
Sarajevo, 21-04-2026. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem broj: 10-45-149/26 od 06.03.2026.godine (u daljem tekstu: Komisija I), u postupku: **Nabavka radne odjeće za uposlenike Općine Centar**, putem konkurentskog zahtjeva za dostavu ponuda, uz primjenu e-aukcije, (Zapisnik o pregledu i ocjeni ponuda broj: 10/E-11-2385/26 od 14.04.2026.godine), Općinski načelnik donosi:

ODLUKU O IZBORU NAJPOVOLJNIJEG PONUĐAČA

- I** Prihvata se ponuda ponuđača „**EURO VEZ**“ d.o.o. Tešanj, ulica Rosulje broj 82,74264 Jelah, broj: 14/04/26 od 07.04.2026.godine, za **nabavku radne odjeće za uposlenike Općine Centar**, putem konkurentskog zahtjeva za dostavu ponuda, u ukupnom iznosu od **12.450,00 KM bez PDV-a**, odnosno **14.466,50 KM sa uračunatim PDV-om**.
- II** Izabrani ponuđač je dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na protokol ugovornog organa (originale ili ovjerene kopije).
- III** Ugovorni organ će sa izabranim ponuđačem zaključiti okvirni sporazum na period od 12 (dvanaest) mjeseci kojim će se regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- IV** Ova Odluka se dostavlja svim ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke **radne odjeće za uposlenike Općine Centar**, pokrenut je Odlukom Općinskog načelnika o pokretanju postupka javne nabavke, broj: 10/E-11-2385/26 od 01.04.2026.godine, putem konkurentskog zahtjeva za dostavu ponuda, uz primjenu e-aukcije. Procijenjena vrijednost javne nabavke iznosi 12.450,00 KM bez PDV-a. Obavještenje o nabavci broj: 848-7-1-60-3-100/26 od 01.04.2026.godine.

U roku za predaju ponuda koji je određen tenderskom dokumentacijom 14.04.2026. godine do 10:00 sati, na adresu ugovornog organa dostavljene su 2 (dvije) ponude ponuđača, kako slijedi:

1. „EURO VEZ“ d.o.o. Tešanj
2. „ONRA“ d.o.o. Sarajevo

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena svake ponude, kako slijedi:

RB	PONUĐAČ	Ukupna cijena bez PDV-a	Popust	Ukupna cijena sa popustom i bez PDV-a
1.	EURO VEZ d.o.o. Tešanj	12.450,00	-	12.450,00
2.	ONRA d.o.o. Sarajevo	12.449,00	-	12.449,00

Nakon izvršenog javnog otvaranja ponuda, na zatvorenom sastanku Komisija I je u skladu sa pravilima propisanim Zakonom i podzakonskim aktima pristupila detaljnoj analizi dokumentacije priložene uz ponude, u smislu provjere njihove potpunosti i ispravnosti, kao i usklađenosti sa zahtjevima ugovornog organa iskazanim u tenderskoj dokumentaciji za ovaj predmet javne nabavke i konstatovala sljedeće:

Ponuda ponuđača „ONRA“ d.o.o. Sarajevo je nepravilna u skladu sa odredbom člana 2. stav 1 tačka 3) Zakona o javnim nabavkama BiH - iz razloga što je ponuđač u svojoj ponudi dostavio uzorke koji nisu u skladu sa tenderskom dokumentacijom, kako slijedi:

Redni broj 1 - Muška košulja - nema traženo ojačanje na kragu, kako je traženo TD.

Redni broj 3 - Svečani kostim - TD tražen sastav 50% vuna - 50% poliester – dostavljen uzorak sastava 40% vuna-60% poliester

Ponuda ponuđača „EURO VEZ“ d.o.o. Tešanj je kompletna i bez računskih grešaka, te je kao takva prihvatljiva.

Analiza prihvatljivih ponuda prema kriteriju za izbor ponude, „najniža cijena“, u skladu sa članom 64. stav (1) tačka b) Zakona o javnim nabavkama:

RB	PONUĐAČ	Ukupna cijena bez PDV-a	Popust	Ukupna cijena sa popustom i bez PDV-a
1.	EURO VEZ d.o.o. Tešanj	12.450,00	-	12.450,00

Tenderskom dokumentacijom je predviđeno provođenje e-aukcije, ali s obzirom da je od 2 (dvije) zaprimljene ponude, samo 1 (jedna) ponuda prihvatljiva, a to je ponuda ponuđača „EURO-VEZ“ d.o.o. Tešanj, e-aukcija neće biti održana, u skladu sa odredbama Pravilnika o uslovima i načinu korištenja e-aukcije („Službeni glasnik BiH, broj 80/23).

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

ponuđača „EURO VEZ“ d.o.o. Tešanj, ulica Rosulje broj 82,74264 Jelah, broj: 14/04/26 od 07.04.2026.godine, za nabavku radne odjeće za uposlenike Općine Centar, putem konkurentskog zahtjeva za dostavu ponuda, u ukupnom iznosu od **12.450,00 KM bez PDV-a**, odnosno **14.466,50 KM sa uračunatim PDV-om**.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema iste, shodno članu 101. Zakona. Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od 3 (tri). Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak u iznosu propisanim članom 108. ovog zakona, obavezno dostavlja ugovornom organu dokaz o uplati i kopiju bankovnog izvoda računa sa kojeg je izvršeno plaćanje.

OPŠTINSKI NAČELNIK

Srđan Mandić

Prilog: Zapisnik o pregledu i ocjeni ponuda
broj: 10/E-11-2385/26 od 14.04.2026.godine

Dostaviti:

1. „EURO VEZ“ d.o.o. Tešanj, ulica Rosulje 82,74264 Jelah
2. „ONRA“ d.o.o. Sarajevo, Put Famosa 38,71210 Ilidža
3. Kabinetu općinskog načelnika – Odsjek za javne nabavke
4. Službi za zajedničke i tehničke poslove
5. Službi za finansije
6. U spis